



UNIVERSITÄTS-
BIBLIOTHEK
PADERBORN

**Io. Baptistæ Portæ Neapolitani Magiæ Naturalis Libri
Viginti**

Della Porta, Giambattista

Frankfurt, 1607

Magia quid significet. Cap. I.

[urn:nbn:de:hbz:466:1-70772](https://nbn-resolving.de/urn:nbn:de:hbz:466:1-70772)



IO. BAPTISTÆ
PORTÆ NEAPOLITA-
NI, MAGIÆ NATVRALIS
LIBER PRIMVS,

Qui rerum causas vestigat, è quibus mira-
biles manant effectus.

Magia quid significet. CAP. I.

MAGIAM à Perside nomen, & origi-
nem duxisse inter Platonicos non
obscuri testantur Porphyrius, & A-
puleius, in oratione pro Magia. Sui-
das Græcus nomē à magisēis traxi-
se putat. Cicero libro de Diuinatio-
ne, Magus, inquit, persa lingua non
nisi interpres diuinorum, & cultor, ac genus sapientum
est apud eos. Hieronymus ad Paulinum scribens, ait A-
pollinium Tyaneum fuisse Magum, sicuti vulgus, siue
Philosophum, ut astraūt Pythagorici. Plinius inter au-
thores constare sine dubio dixit in Perside ortam à Zoroastre
Oromasij filio, diligentiores paulò ante hunc
alium fuisse Zoroastren Proconnesium. Primus de ea
Osthanes commentatus Xerxem Persarum Regem
bello, quod is Græciæ intulit comitatus, ac velutis semi-
na artis portentosæ sparsisse obiter, infecto quocon-
que commauerat mundo, qui ad rabiem, non audi-
tatem modo scientiæ eius Græcorum populos egit.
Magia igitur apud omnes prosapientia, & perfecta na-
turalium rerum cognitione accipitur, eosque Magos
appellitant, quos Latini Sapientes, Græci Philosophos

A

ab uno Pythagora, illius nominis primo, ut scribit Diogenes, Indi Brachmanes, & Gymnosophistas græcæ, quasi nudos philosophos dicas, Babylonij, nec non Asyrii Chaldæos à Chaldæa Asiae regione, Celtæ Galli Druydas, Bardos, & Semnothcos, Ægypti Sacerdotes, Chabalistæ Prophetas: & tandem Magia diues apud gentes diuersis scatet nominibus. Sed plerosque in ea fuisse viros, rerum Naturæ callentissimos reperimus, quemadmodum fuit Zoroastres Oromasii filius apud Persas, ut diximus, Numa Pompilius apud Romanos, Tespion apud Gymnosophistas, Zamolxis apud Thracas, Abbaris apud Hyperboreos, Hermes apud Ægyptios, & Buddha apud Babylonios. Memorantur præterea ab Apuleio Carinondas Damigeron, Hisinoes, Apollonius, & Dardanus post Zoroastrem, & Osthancem.

Quid sit Magia. C A P. II.

BIFARIAM *μαγείαν* ipsam diuidūt, infamem alteram, ac immundorū spirituum commercijs inauspicatā, carminibus, & nefarij curiositatis arte concinnatam, efformataq., quam *μαγείαν* vocat, cui omnes docti, præstantesq; viri aduentantur, quæ præter imaginamenta, nullam porrigit rationis & cœlentiae veritatem, quorum nec vestigium mox remaneat, ut lamblicus libro de mysterijs Ægyptiorum habet. Naturalem alteram sapiētissimus quilibet, festo plausu excipit, colit, & veneratur, ut nil altias, nilve bonarum literarū candidatis plausibilius. Ad hanc discendam, perquirendumque præstantissimos in Philosophia proceres viros Pythagoram, Empedoclem, Democritum, & Platonem è patrijs discessisse legimus, exilijs potius, quam peregrinationibus suscepisti; hanc reuersi prædicauerint, hanc in arcanis habuerint. Reconditionis literaturæ vii scientissimi eam ipsam naturalium scientiarum apicem, ac cōsummamat facultatem esse dicunt, ut si quid nobilius, aut miraculo proximius in naturalibus scientijs, aut fingi, aut maginari possit, id Magiam dixerint. Alij actiuam naturalis Philosophiæ portionem prodiderunt.